

雪
堂
叢
刻

鬼方昆夷玁狁考

海甯王國維

我國古時有一彊梁之外族其族西自汧隴環中國而北東及太行常山間中間或分或合時入侵暴中國其俗尙武力而文化之度不及諸夏遠甚又本無文字或雖有而不與中國同是以中國之稱之也隨世異名因地殊號至於後世或且以醜名加之其見於商周間者曰鬼方曰混夷曰玁狁其在宗周之季則曰玁狁入春秋後則始謂之戎繼號曰狄又追號其祖先謂之犬戎戰國以降又稱之曰胡曰匈奴綜上諸稱觀之則曰戎曰狄曰犬戎者皆中國人所加之名曰鬼方曰混夷曰玁狁曰

獫狁曰胡曰匈奴者乃其本名而鬼方之方混夷之夷亦爲中國所附加當中國呼之爲戎狄之時彼之自稱決非如此其居邊裔者尤當仍其故號故戰國時中國戎狄既盡強國辟土與邊裔接乃復以其本名呼之此族春秋以降之事載籍稍具而遠古之事則頗茫然學者但知其名而已今由古器物與古文字之助始得言其崖略倘亦史學家之所樂聞歟

此族見於最古之書者實爲鬼方易既濟爻辭曰高宗伐鬼方三年克之未濟爻辭曰震用伐鬼方三年有賞于大國詩大雅蕩之篇曰內爨于中國覃及鬼方易之爻辭蓋作於商周之際大雅蕩之篇作於周厲王之世而託爲文王斥殷紂之言蓋亦

謂殷時已有此族矣後人於易見鬼方之克需以三年知其爲
強國於詩見鬼方與中國對舉知其爲遠方然鬼方之國果安
在歟其與周以後之外族同歟否歟蓋不能措一辭其有爲之
辭者亦今日之所不能信也今由古器物之賜始得稍稍爲徵
實之說而此種古器物之果紀鬼方事否不能不先考定之也

鬼方之名易詩作鬼然古金文作𠙴或作𠙵孟鼎

此宣城李氏所藏金文家

謂之小孟鼎與吳縣潘氏所藏大孟鼎同出陝西郿縣器已久
佚拓本亦致罕觀唯海豐吳氏藏一本即摹於攔古錄金文者

是日王□孟以□□伐𠙴方

吳氏摹本𠙴字半泐作𠙴然第八
行有𠙴字鬼字之首又稍磨泐合

觀二字用筆位置
知確是𠙴字也

其字从鬼从戈又梁伯戈

濰縣陳氏藏云𠙴
一名𠙴方戈

方𠙴

即𠙴字其字从鬼从支二字不同然皆爲古文畏字案大孟

鼎畏天畏二畏字上作𠂔下作𠂔毛公鼎愍天疾畏敬念王畏

二畏字皆作𠂔皆从鬼从卜者尙盤畏字作𠂔則从𠂔

說文𠂔鬼頭也

从支卜與支同音又支字之所從當爲支之省字而或从卜在鬼字之右或从支在鬼字之左或从支在鬼頭之下此古文變化之通例不礙其爲一字也从戈之𠂔亦卽𠂔字凡从支从戈皆有擊意故古文往往相通如薄伐玁狁之薄今毛詩作薄薄者迫也而虢季子白盤之薄伐从干不𠂔敦之𠂔𠂔𠂔从戈師𠂔敦之𠂔乃衆則又从卜書之外薄四海其義亦爲迫而釋文引一本作𠂔詩常武之鋪敦淮潰釋文引韓詩鋪作𠂔後漢書馮緄傳亦引作𠂔敦案𠂔敦卽𠂔𠂔則字亦从支可知从卜从支

从戈皆可相通則𢇛字亦畏字也其中𠄎𢇛二字見於周初之

器爲字尤古其後从卜之字變而作𢇛从戈之字變而作威古

威字从戈从女邾公華邾公恇二鐘皆然虢叔鐘作威𠄎亦戈

形之變而鬼女二字皆象人跪形形極相似故變而从戈从女

也𢇛字又變作𠄎王孫遣諸鐘之畏𢇛即畏𢇛𢇛沈兒鐘之𢇛

于畏儀

即淑於威儀

皆如此作既从卜又从支則稍贅矣由此觀之

則𢇛𢇛二字確爲畏字鬼方之名當作畏方經典作鬼字之誤

也然則何以知小孟鼎梁伯戈之𢇛方𢇛方即鬼方歟又何以

知二器非借畏爲鬼而必謂經有誤字歟曰由漢人以𢇛字爲

鬼字知之急就篇射𢇛辟邪除羣凶

今通行本𢇛皆作𢇛唯宋葉水心所傳古章草本作

魑此本江南有石刻世不多見張衡東京賦八靈爲之震懼況魑魍與畢方顏

薛二注不識魑字均以說文之魑字釋之顏并以射魑辟邪爲

二獸名不知此句三事平列不得以前二事爲獸名至東京賦

之魑魍用小雅爲鬼爲蜮語尤爲明白決非指小兒鬼之魑是

周時畏字漢人已用爲鬼字故莊子天地篇之門無畏

釋文門無鬼司

馬本作無畏

郭象本作門無鬼又雜篇之徐無鬼亦當爲徐無畏之

誤也

古人多以無畏無忌爲名如左氏傳之申之舟名無畏是也

由是觀之漢人以隸書寫

定經籍時改魑方爲鬼方固不足怪此古經中一字之訂正雖

爲細事然由此一字可知鬼方與後世諸夷之關係其有裨於

史學者較裨於小學者爲大也

古者畏威同字威字卽威字之形變前旣言之尙書及古金文中畏字其義強半爲威又邾公華邾公慆二鐘之翼龔威忌則又以威爲畏古地名有威夷疑卽因畏方得名威夷卽畏夷亦卽鬼夷猶竹書紀年之稱鬼戎矣方以言乎其國戎與夷以言乎其人其實一也爾雅釋地西陵威夷自來注家均不能言其地案漢書地理志右扶風有郁夷縣班氏自注引詩周道郁夷顏注小雅四牡之詩曰四牡騑騑周道倭遲韓詩作郁夷字然文選西征賦注引韓詩實作威夷蓋威郁一聲之轉故同一韓詩而或作威夷或作郁夷也今毛詩作倭遲則韓詩威郁二字自當以威爲正而漢志之郁夷縣其初亦當作威夷漢志郁夷

有汧水祠太平寰宇記漢郁夷故城在今隴州汧源縣西五十

里其地正在古之隴坻以之當爾雅之西陵地望與地形無乎

不合意古代畏方出入中國恒取道於此故名威夷

全氏祖望地理志稽

疑郁夷恐不因詩得名疑是古西夷種落之名其說是也

此說雖若奇創然由下文所考鬼

方地理觀之固不能不首肯也

言鬼方地理者古無定說毛傳云鬼方遠方也不實指其地後

世諸家有以爲在北者干寶易注云鬼方北方國也

李鼎祚周易集解引

有以爲在西者宋衷世本注云鬼方於漢則先零羌是也

文選楊雄

趙充國頌注引

有以爲在南者僞竹書紀年武丁三十二年伐鬼方次

於荊則以鬼方爲荊以南之國黃氏日鈔且以爲鬼方卽荆楚

矣有以爲在中國者李黼平毛詩紉義謂鬼與九字通殷本紀
命西伯昌九侯鄂侯爲三公徐廣曰九侯一作鬼侯鄴縣有鬼
侯城是也異說紛紜不知所極年代遼遠書闕無徵固自不足
怪也唯竹書紀年稱王季伐西落鬼戎

此條見後漢書西羌傳及章懷太子注乃真紀

年之可知其地尙在岐周之西今徵之古器物則小孟鼎雖紀

孟伐鬼方事亦不及地理上一字然大小兩孟鼎皆出今陝西
鳳翔府郿縣禮村溝岸間其地西北接岐山縣境當爲孟之封

地大孟鼎紀王遣孟就國之事在成王二十三祀

吳氏大徵孟鼎跋以此鼎

爲成王時作案銘中尙述殷人酗酒事以戒孟與酒誥辨意略同吳說是也

小孟鼎紀孟伐鬼方獻

俘受錫之事在成王二十五祀則伐鬼方事在孟就國之後鬼

方之地自當與孟之封地相近而岐山郿縣以東卽是豐鎬其南又限以終南太一唯其西汧渭之間乃西戎出入之道漢之郁夷縣正在其間又西踰隴坻則爲戎地張衡所謂隴坻之險隔闔華戎者也由是觀之鬼方地在汧隴之間或更在其西蓋無疑義雖游牧之族非有定居然殷周間之鬼方其一部落必在此地無疑也然其全境猶當環周之西北二垂而控其東北梁伯戈雖僅有魃方繇及梁伯作數字可辨然自爲梁伯伐鬼方時所鑄而梁伯之國杜預謂在馮翊夏陽縣史記秦本紀惠文王十年更名少梁爲夏陽漢志亦云夏陽故少梁其地在今陝西西安府韓城縣又在宗周之東其北亦爲鬼方境故有爭

戰之事據此二器則鬼方之地實由宗周之西而包其東北與下所攷昆夷玁狁地正同此鬼方疆域之略可考者也

至其種族之大小強弱如何易稱高宗伐鬼方三年克之紀年稱王季伐西落鬼戎俘其二十翟王觀此二事鬼方之非小部

落可知而小孟鼎所紀獻俘之數尤爲詳悉雖字多殘闕猶得

窺其大略

此鼎唯有吳氏式芬釋文尙多疎略今取其獻俘一節更釋之

其文曰王□孟以□

□伐玁方□□□□□□□□二人□玁□□□□□□玁孚人萬手

八十一人孚□□□□匹□車□兩孚牛□百□□□牛羊廿八

羊又曰執鬯一人□□百世七玁□□□□孚□□三匹孚

車兩云云銘中鬼方下第三字僅存下半□字以下文執鬯一

人在戒前例之當爲罍字之泐罍者疑首字之假借字下文第九第十兩行間尙有折罍二字殆卽易所云有嘉折首他器所云折首執訊矣戒卽馘字虢季子白盤桓桓子白獻戒于王其字从戈从爪諸家或釋俘或釋馘今此字从或从爪其爲馘字無疑罍者折首馘者截耳也孚卽俘之本字年則三千二字合文罍與馘之數雖摩滅不可知然俘人之數至萬三千有餘則罍馘之數亦可知矣此事在宗周之初自爲大捷而書闕不紀又當成王全盛之時而鬼方之衆尙如此則其强大亦可知梁伯戈時代雖無可攷觀其文字當在孟鼎之後可知宗周之世尙有鬼方之名不獨殷周間爲然此鬼方事實之略可考者也

鬼方與昆夷獫狁其國名與地理上遞嬗之跡當於下分論之
其可特舉者則宗周之末尚有隗國春秋諸狄皆爲隗姓是也
鄭語史伯告鄭桓公云當成周者西有虞虢晉隗霍揚魏芮案
他書不見有隗國此隗國者殆指晉之西北諸族卽唐叔所受
之懷姓九宗春秋隗姓諸狄之祖也原其國姓之名皆出於古
之畏方可得而微論也案春秋左傳凡狄女稱隗氏而見於古
金文中則皆作媿包君鼎包君盂鄭同媿鼎芮伯作媿字依隗叔媿鼎鄧公子敦五器皆如此作
音當讀五罪反音與畏同經典所以作隗字者凡女姓之字金
文皆从女作而先秦以後所寫經傳往往省去女旁如己姓之

己金文作改

蘇衛改鼎蘇公敦

作妃

見番妃鬲虢仲鬲虢文公

今左傳

國語世本皆作己字庸姓之庸金文作嬭杜伯今詩美孟庸矣

作庸字弋姓之弋金文作妣南旁今詩美孟弋矣穀梁傳葬我

小君定弋皆作弋字任姓金文作妊蘇冶妊鼎鑄公簋等今詩與左傳國

語世本皆作任字然則媿字依晚周省字之例自當作鬼其所

以作媿者當因鬼音與畏媿不同故又改作媿以就畏音否則

媿字本媿之省媿字省女爲畏而古文畏作𠂔媿作𠂔𠂔旁之

𠂔與𠂔旁之𠂔所差甚微故又誤爲媿然則媿媿二字之於畏

字聲既相同形亦極近其出於古之畏方無疑畏方之畏本種

族之名後以名其國且以爲姓理或然也我國周後國姓之別

頗嚴然在商世則如彭祖爲彭姓妣邳之妣爲妣姓皆以國爲

姓況鬼方禮俗與中國異或本無姓氏之制逮入中國與諸夏通婚媾因以國名爲姓世本陸終取鬼方氏之妹謂之女嬪大戴禮帝繫篇及水經注洧水條所引作女隤漢書古今人表作女潰而史記楚世家索隱與路史後紀所引皆作女嬪鬼貴同聲故餽字亦通作饋則女嬪女隤疑亦女媿女隤之變鬼方之爲媿姓猶獫狁之爲允姓也雖世本所紀上古之事未可輕信又上古之女亦不盡以姓爲稱然後世附會之說亦必有所依據而嬪隤二字其音與媿隤絕近其形亦與媿隤二字變化相同或殷周間之鬼方已以媿爲姓作世本者因傳之上古歟此鬼方姓氏及其遺裔之略可考者也

混夷之名亦見於周初之書大雅緜之詩曰混夷駮矣混字孟子及毛詩采薇序作昆史記匈奴傳作緄詩釋文混音昆史記之緄則讀衰音孟子原泉混混亦讀若衰故鄭玄尙書大傳注以混夷與猷夷爲一顏師古漢書匈奴傳注亦謂昆緄猷聲相近昆夷卽猷夷也然余疑混夷之混當讀胡本反或胡溫反

混與渾義本相近

說文混豐流也
渾混流聲也

音亦宜同孟子原泉混混後

人雖讀若衰然山海經其流渾渾泡泡混亦作渾老子有物混成渾亦作混是混有渾音也漢時外國人地名所用昆字大抵讀渾如匈奴之昆邪王漢書武帝紀及匈奴傳作昆邪而食貨志霍去病傳皆作渾邪史記亦作渾邪又史記惠景間侯表李